


160

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



博學宏辭所業

制

特進觀文殿大學士提舉臨安府洞霄宮
授少保寧武軍節度使荆湖廣南宣撫使
判潭州軍州荆湖南路安撫大使加食邑
食實封制

門下位左棘以建旄兼總宣威之任殿南邦而分闔
益隆統牧之名疇咨祕殿之英越在羣公之表倚重
臣而疆本釋真館以圖庸參錫徵音載颺顯冊特進
觀文殿大學士提舉臨安府洞霄宮某忱恂而寬裕

哈佛大學漢和
圖書館珍藏印

剛毅而沈潛，緯武經文，可大則賢人之業，集思廣益。至公以天下爲心，亮采日嚴，訐諛斥告，久贊襄於衮職。遄燕佚於琳庭，冠元豐寓祿之階，羽儀賜位，峻皇祐崇儒之秩。領輿延恩，養恬雖適於雅懷，應變未殫於遠略。瞻武安之鉅鎮，屹方面之要衝，地控重湖，內欲腹心之先備，疆連五嶺，外如唇齒之相依。銷患未形，維人無競，迪思高廟，有若臣綱。繇舊敷而命旬宣，即中權而領藩翰，徒得君重，載績武功。是用篆車升亞保之班，茸纛授益昌之節。兵事不由中御，合楚粵以撫師戎，乘以先啓行，指衡湘而植屏。數路聽和，門

之令，十連尊元帥之稱，申衍圭畚，陪輸幹食，以新采薇，治外之畫，以謹徹桑，木雨之防，於戲陶侃，啓長沙之封，嘗督軍於交廣，方叔振中鄉之旅，佇執訊於蠻荆，精神折衝，則國勢張，指授當任，則人心靖，欽承猷訓，懋建膚公，可授少保，寧武軍節度使，荆湖廣南宣撫使，判潭州軍州荆湖南路安撫大使，加食邑食實封，主者施行。

寧江軍承宣使左驍衛上將軍金州駐劄
御前諸軍都統制授武庫軍節度使右金
吾衛上將軍興元府駐劄御前諸軍都統

制加食邑食實封制

門下錫齋旄而啓鎮載聯中尉之華總禁旅以修戎
益重西陲之寄乃睠蕃宣之倚夙殫守衛之厘䟽陟
典以褒勲更要衝而統戍明颺渙號敷告師虞寧江
軍承宣使左驍衛上將軍金州駐劄御前諸軍都統
制某果毅而僕忠沈雄而肅括營平守節深料敵之
威謀票騎抗旌懍冠軍之焱勇列武威而拱極臨清
水以乘邊王旅嘽嘽克壯金湯之執戎容暨暨聿張
箕翼之形迪簡予衷茂嘉乃績念漢中之保鄣控益
部之衿喉復險要於舊圖于疆于理峙屯營於東道

屏維藩師徒甫集而未齟罅壘方更而未固將
不虞之備亡踰已試之良是用新駱谷之建牙易夔
江之留務鸚冠魚服陸峻秩於執金犀甲熊旂侈多
儀於授鉞如乾道顯忠之並命若紹興揚政之進屯
以嚴細柳堅壁之威以恢采薇治外之略申加并賦
增賁坤維於戲登拜將之壇決策蓋繇於南鄭上出
師之表駐軍欲定於中原惟山川未改於昔時則事
業益參於前哲典聽朕慈式回爾福可授武康軍節
度使右金吾衛上將軍興元府駐劄御前諸軍都統
制加食邑食實封主者施行

誥

翰林學士知制誥兼侍讀除同知樞密院
事誥

勅股肱一體相成祗通時幾之戒文武萬邦爲憲儀
圖翰墨之英朕迪前人光緒成功所在咸平有若若臣
旦在嘉祐有若臣脩擢繇禁林登貳樞極帷幄收頗
牧之績樽俎折葦允之謀無競維人式序在位翰林
學士知制誥兼侍讀其養剛大之氣好深湛之思學
道手中庸總五經之眇論文澤乎仁義信三代之餘
灼見俊心贊爲名命代言溫雅發號施之問不

勸誦從頌陳善閉邪謂之敬要訪河西之邊事咸登
山東之詔書嘉其知軍戎之情進而與甲兵之間爾
歎則告我武惟揚噫夙夜基宥單厥心勿替協恭之
助國家間暇明其政具嚴思惠之防以又受民俾紹
先烈可授同知樞密院事

起居舍人兼侍講除中書舍人兼禮部侍
郎誥

勅周史之掌贊書列于禮典辨官之出帝命先以秩
宗朕登崇譽髦藻飾治具迪簡敷之彥久儀簪率
之聯錫我茂恩對時妙選起居舍人兼侍講其簡

載采博塞好脩砥行之名濟濟扶陽之禮。朝中彪然
 衷衷樂安之文仁義其言藹如直諫多聞益矣欽起
 居而在右君舉必書考仁聖以陳前古訓有獲不從
 朕志曰求厥章昔元祐擢軾於螭塗晉司帝制紹興
 實遵於鳳閣復貳春卿惟文學咸精能俾播告不匿
 指咨爾兼組貢于演綸為誥有古風罔俾伸舒之熒
 同日加評命允謂知章之榮予欲善辭令以華國汝
 為予欲觀會通以秩典汝翼庶幾終譽式克欽承可
 授中書舍人兼禮部侍郎

詔

舉廉吏詔

勅門下周聰治以六計廉善居先漢辟士以四科清
 白為首朕灼知有俊誕保受民惟前代迪厥官不肩
 好貨凡正人羞其行庶幾成風嘗賜札以律貪復作
 銘而申訓曾是在位猶從匪彛鞭鞞不已而寵賂童
 簞簞不飾而節行缺退食鮮羔羊之操虐民多碩鼠
 之譏念激濁在於揚清而瘴惡莫如彰善神爵獎朱
 邑之潔治盛循良開元旌王丘之廉風移苛媵一賢
 蒙擢百辟鄉方肆公道之天開閔以波之瀾倒克正
 罔敢弗正既昭德以塞違進良以率不良與厲精而

更始咨爾承休之妾體予美俗之懷廉欲得其具公
選潔修之士舉皆賢於已博詢操履之原內則如光
祿之薦王嘉外則如河東之察黃霸人之有猷有守
具以實言予其懋賞懋官亦克用勸故茲詔示想宜
知悉

舉將帥詔

勅門下朕檻徹桑未雨之戒軫采薇治外之憂熊羆
又王家昔何多於英傑蛇豕食上國今未救於曷垂
風寒僅數處以護吳道敵欲多方而誤楚荆益慮深
於脣齒湘廣備缺於腹心雖錫斧鉞而啓元戎猶聽

鼓鼙而思猛士食靡忘於鉅鹿志孰奮於伊吾內無
舉奉世之臣外乏代崇文之將朕為拊髀戎將生心
昔高廟歲舉六科智勇是選孝祖薦格五等謀略為
先率由舊章深詔執事詩書如郤縠豫思元帥之儲
策慮若陳湯勿求循行之備接異能於數澤拔奇節
於偏裨爪牙官備不虞迄成國圉之績履展間得其
任無愧知人之明惟爾之能求朕攸濟故茲詔示想
宜知悉

表

代侍講說書官為經筵進講孟子終篇謝

賜金帶牙簡同侍讀修注官謝賜祕書省
御筵及鞍馬香茶進詩志

臣某等言伏蒙聖恩以經筵進講孟子終篇賜臣等
金帶牙簡并賜祕書省御筵及鞍馬香茶者華光講
藝備觀亞聖之書逢省賜筵並錫多儀之寵感洪恩
而播詠瞻丹宸以颺言臣某等惶懼惶懼頓首頓首
竊以漢帝論經虎觀侈賜衣之渥唐宗嚮學瀛洲疏
給膳之榮意皆寓於隆儒禮植豐於接下矧軻書之
眇指傳孔道之正宗由義居仁七篇之言靡不載垂
憲詒後百世之王莫能違於穆熙朝若稽丕訓祖禹

闡明於元祐表臣專繹於紹興逮聖神尊德以有爲
於問學逢原而自得細旃晝訪聆責難陳善之規我
弁星環探知性盡心之緼華編甫徹設聞奚裨疇侍
言誦說之勞暨著記纂脩之職鏐鞶絢采復盼象齒
之珍玉學示慈咸綴麟臺之席上駟式調於沃轡團
龍交粲於竒芬稽古所蒙省躬莫稱歸美以報拜手
載歌替智聖之大成述君臣之相說辭陳約禮遠晞
積翠之篇句寫賜牋俯效集仙之飲退慙斐墨曷對
闕休茲蓋恭遇皇帝陛下居安資深守約施溥存神
過化與天同流明物祭倫取人爲善覽大賢之論集

興盛治之雍熙德醉從容秩太清之華無幣將鳥奕
邁崇政之彛文臣等識愧寤疑恩霽同樂讀古書而
尚友諒懷望道之思頌清廟以致平期盡正君之義
臣等無任感天荷聖激切屏營之至謹各齋沐撰成
謝恩詩隨表上進以聞臣某等惶懼惶懼頓首頓首
謹言

代宰臣以下賀奉安光宗皇帝寧宗皇帝
寶訓寧宗皇帝經武要略今上皇帝玉牒
日曆會要禮成表

臣某等言恭覩奉安光宗皇帝寧宗皇帝寶訓寧宗

皇帝經武要略今上皇帝玉牒日曆會要禮成表文
謨武烈竝揚二后之休漢典唐經參著一王之灋森
寶儲而日揭粲縟禮以星陳臣某等歡抃歡抃頓首
頓首竊以監先憲求多聞商書垂範有常德立武事
周雅紀功迨開成標帝籍之名暨魯史謹策書之體
至若觀會通而行禮尤先撮機要以舉綱茲萃進於
一時宜輯成於五典允哲光皇之揖遜於昭寧考之
儉勤燕翼詒謀焜耀億萬年之訓壤夷復古堅凝三
十載之規有嚴論述於史筵申命纂脩於宥省天啓
離明之治日新資象之文洽媿化於登三煥鴻猷於

王治卷二十四
襲六瑤編溫潤金錯閱嚴繫日繫時哀嘉熙淳祐之
記注有倫有要粹寶紹瑞平之憲章討裁分飭於羣
儒尊閣載差於穀旦韶鈞燁煜羽衛歲蕤緇縵采以
展儀瞻冕旒而執讀事該經緯備清覽於邇英瑞集
圖書肅秘臧於廣內恭惟皇帝陛下心傳精一學懋
緝熙道德風烈之庶幾適追來孝制度紀綱之能永
勿替歷年功光祖宗政布方策率彝章而由舊據行
事以鑒新文武大略舉焉聖而繼聖禮樂庶事備矣
書不一書臣等欽覲聲明欣逢熙洽始於勤而治內
外願駿惠於闕摹校厥文而作春秋嗣鋪張於偉蹟

臣等無任瞻天望聖激切屏營之至謹奉表稱賀以
聞臣某等歡抃歡抃頓首頓首謹言

露布

晉前鋒都督平交青州露布

尚書五兵臣元等言臣聞天下之義當混爲一我伐
用張仁人之兵所存者神無遠弗届迪上帝命付中
國民徐方旣同而來庭宣王復古齊地悉平而振旅
世祖重光整我六師如雷霆植十二郡之旗鼓不圖
今日載績武功恭惟皇帝陛下體乾粹精位履中正
凝江寧神璽之祚至于萬年開吳分歲星之祥綏以

多福有方行海表之略無宴安江沱之心惟氏鞠凶
至堅孔熾吞燕涼而荐食介鱗易我衣裳闖荆益以
長驅蝨賊荒我居圉敢行稱亂不戢自焚師克在和
雖武騎無所用天助者順聞風鶴皆爲兵一戰成肥
水之勲三捷取壽陽之境匹馬旃輪無反乃滅而亡
簞食壺漿以迎曰傒予后謳吟思漢震動附周臣安
請乘破竹之機分命采薇之率復舊都在此行也清
四海可失時哉臣等以先啓行敷奏其勇辟四方徹
我土誕將天威獎三軍定中原翦此朝食推鋒而造
渦潁抗旌而次彭城彗埽星流席卷雲徹欲快心於

狼望庶舉奈若鴻毛虓虎濯征困獸猶鬪張崇守交
河而假息苻明據青社以每生食椹靡懷寢薪莫悟
矧河南城堡之皆附寧山東德化之未孚乃遣劉襲
攻鄆城崇棄甲而遠遂復俾高素向廣固明因壘而
來降穆如清風丕冒出日齊變至魯魯變至道載戢
干戈汶達于濟濟達于河底謹財賦遂鼓行於司豫
汜盪穢於羌髻時靡爭而心載寧君之訓而臣何力
斯皆帝德廣運聖武布昭歸郅謹田用儒無敵揚文
武烈圖功攸終于以正六龍御天之居豈止保一馬
浮江之緒臣等共武之服賴天之靈洛邑朝諸侯望

翠華之回軫營丘發嘉號竦玉牒之脩封臣等無任
慶快激切屏營之至謹遣某官奉露布以聞

唐劔南西川節度使同中書門下平章事

破吐蕃露布

尚書兵部

臣

臯等言

臣

聞天討有臯兵應者勝義者

王夷不亂華師直為壯曲為老多助之至四極爰轅
正觀則同羅擊延陀開元則九姓殄默啜日商莫不
來享犯漢雖遠必誅德風鷄虜河源武節懔虜月蝟
率寧人之有指先元戎之啓行用信威光祖宗不以
賊遺君父恭惟皇帝陛下宣昭義問救寧武功績八

葉之鴻圖奮四征之雄畧梟鷂銷侵沴稟印大和
剪鯨鯢清郊原掃除羣穢王猶允塞我武惟揚竒幹
善芳各脩貢職條支若木咸順指令邈積石之遐陬
有吐蕃之醜類侵敗王畧倍奸齊盟乘邊將之騁兵
瞰戎亭之虛候為蛇豕食上國盡盜河湟帥蝥賊搖
我疆再驚畿甸騎塹敢於深入鑿蹕至於親屯擗然
授兵協以謀我尚納汙而含垢姑通使以結和清水
之盟未乾好時之師已聚指涇靈而徼賂闖鹽夏以
擣虛夷德無厭弗悔衽金之甌楚氛甚惡輒與衷甲
之謀蠢爾為讎整居匪茹維時南詔慕化中朝先零

之質諸羌雖嘗并力麩人之率百濮罔不離心頓顛
於邊受命于吏斷匈奴之右臂羈南粵以長綏燕貉
輸致騎之勤晉戎成猗鹿之執彼既失鐵橋之險我
遂克峨和之郭盍竄匿於龍虎復虔劉於麟塞戕我
守將墮我裨隍脩戈矛與同仇靡室家不遑處臣等
請奮其旅以殲乃讎鳳翔振武靈武之騎獵其西邠
寧太原涇原之兵震其北率山南熊羆之校暨東川
貔虎之師烏蠻撓其腹心回鶻擣其肘腋衆素飽矣
壹大治之諸將陳洎等統五萬軍出十一道濟師西
顛之半策勲壯陸之初濫平七城斬馘萬級獲鎧械

十五萬計燔堡壘百七十餘遂賈勇而圍昆明將乘
勝而定青海僞東境五節度大使論莽執釋朔方之
衆援維州之城九攻九却之計窮七縱七禽之威速
連連執訊矯矯獻囚不然我新而自焚有如破竹之
立解拂廬魚潰甌脫兔犇谷靜山空行就焉耆之僂
區殫域滅汜聞智盛之降斯皆廟謨淵深神斷天造
明見萬里運竒掌上之兵守在四夷制勝目中之虜
勒功滇池之柱植表赤嶺之碑一怒安民文之勇也
三軍用命克何力焉臣等承帝之明敵玉所冰開遠
門揭候坐收西極之舊封紫微殿受俘重觀崑丘之

茂績臣等無任慶快。傲切屏紉。之至。謹遣某官奉露布以聞。

檄

漢丞相諭告巴蜀

漢元年夏四月丞相何諭告巴蜀郡縣蓋聞天之所助者順民罔常懷懷于有仁秦失其正豪俊麋沸雲擾摩牙而爭之惟漢王先入關扶義而西為百姓請命秋毫亡所害代虐以寬若時雨降民大悅項王滅德作威為天下宰不平反易天明恩肆其罔極義帝越在荆蠻未有攸底漢王失職之蜀民亡不恨者項

王有背約之名天下畔之諸侯之兵四面而至夫一里之厚而動千里之權者地利也昔秦西有漢中南有巴蜀謂之天府沃壑千里餘糧棲畝轉粟西鄉方舟而下天所以資漢也秦三將亡尺寸功鬻其國而王之慈父孝子將接刃以復怨及其鋒用之若奔兒之觸魯縞未足以喻其易王已拜大將軍信決策東伐朱旗一麾三秦必從風而靡被山帶河四塞以為固乘利席勝人人自為戰雖有智者不知為楚計矣項王亢不乘奸齊盟不順所殘滅不仁師出為老其疆易弱傳曰不嗜殺人者能一天下湯武是也漢

取天下可以萬全。巴蜀固多奇士，有從漢者，尊顯之。雲起龍襄，維其時矣。爾父兄帥子弟比善，戮力墾蓄，除害毋陰拱以觀其孰勝。王之入關，悉除去秦法，舊染污俗，咸與惟新。縞素為資，珍物無所取，非富天下也。養其民，以致賢人，行仁政而王，莫之能禦也。楚雖大，何畏焉。用歷告爾，新造邦尚永，以畋爾田。寧爾居，毋蠱不靜，以自速辜。吏以仁誼教訓，辨告勿行苛政，明聽之毋忽。

唐河東保寧等軍行營副元帥諭晉隰慈

州檄

興元元年八月某日，河東保寧奉誠軍行營副元帥北平郡王燧檄告晉州要君廷珍、隰州毛君朝、馱慈州鄭君抗及將士吏民等。蓋聞率土莫非臣，蓋念在三之訓，明王伐不敬，有嚴討貳之刑。義士不求生，以害仁；智者能轉旣而為福。其畢棄咎，咸與惟新。我國家九葉，繼明億年，凝命天保以上，采薇以下，內撫外縱。濮公于北，祝栗于南，德洋風普，神旌遞引，奠窳咸誅。堯治時邕，猶有青丘之梗；舜風天幃，未除丹浦之凶。李懷光奮渤海之擘，授海之節，始謂祖之作使，不虞鷹之易颺。彝命醜臬，粗展勤王之績，請朝行闕，輒

東犯上之謀。猶念前勲。婁靡好爵。張萌牙於霜電。悖
木水之本原。升鸞之說。肆行。不父之使。弗逐。再二軍
而殲良將。剽三道而翦近畿。豕心莫悛。鷄音不革。已
復漢京之日月。載揚周旅之霆雷。幕府承命。齋壇建
牙列鎮。正正之旗。堂堂之陳。莫我敢承。赫赫厥聲。濯
濯厥靈。有征無戰。渾侍中率同陝之士。韓僕射統邠
寧之師。唐節度虎視鄜坊。駱將軍熊踣鎮國。風雲助
氣。草木爲兵。詔參伐以清氛。命招誓而繕怒。不埃前
茅之遺。行成獨柳之誅。惟爾三州之士。夫夙被繫朝
之德澤。嶠從處仲。適受逆汗。遵事愧囂。豈爲賊守。鼎

魚假息。允免沾危。犯大義者衆。必攜作不善者。神弗
赦。歷數古今所記。未聞叛逆獲全。惟岳阻兵。汜膏齊
斧。朱泚竊號。亦梟梟街。矧茲狄孥。敢干天罰。犬馬猶
有主。覆載不容。鱷鯢取以封脅。從罔治。聖上禹湯罪
已。文武行仁。凡鳴狐假王之妖。首鼠觀釁之將。莫不
匿瑕宥戾。磔垢滌郵。雖三子猶存蓬艾之間。豈太陽
不回葵藿之照。尚式王命。其惟帝臣。勿相依於輔車。
以俱焚於玉石。儻能洗心效順。解甲來歸。勸獻關東。
疏封帶礪。融全河在。紀烈。若迷復怙。終心豫不
斷。蹈于顯戮。謚爲至愚。豈惟敷虐多方。亦將遺臭千

載請擇二者永肩一心者定爾功復見弓橐而戈戢
式化厥訓庶幾世變以屈到如章書不盡意
箴

漢典星箴

惟天不言以象設教惟聖時憲以星爲紀昔在顓帝
司天有職堯命四子爰考星中蒼錄質隆靈承乾則
保章志變馮相會位下逮列國亦有司星宿離步占
咸宿其業炎劉閭統顧諟明命治星列于太史候星
設于靈臺歷志適紀復有典星太初之元更造密度
時則射姓與其議永元四禛考驗黃道時則姚崇并

畢等十二人言其灋厥初建官將以欽曆象在璣衡
非徒傳臯唐其石之術而已天星體生於地精成於
天爲名百一十八積數七百八十三在朝象官在野
象物在人象事此動彼應上下同流存於君心著於
稷象伏見蚤晚政治之候飛流陵歷踐履之符宋有
善言星斯徙度齊無穢德慧乃可攘以人占天休咎
景嚮漢之星官茂明斯道必將誦節儉之規而泰階
六符不待臣朔之陳矣必將述寅畏之訓而清燕指
圖不待臣向之奏矣若稽史箴諫茂聞而元光星
捨之異僅載候星者之言視漢人執御寧無愧與納

釋漢事爲補亡之箴曰

煌煌乾度 臨下有赫 十八名 象事昭察

星官有書 肇自有熊 德隆晷星 清明在躬

舜察璣衡 勅天之命 周辨妖祥 以詔救政

我漢懋德 寅畏明威 步占列宿 臣敢不祗

衡正階平 維文節儉 民勞星摺 維武征伐

見道知治 以人占天 暗室脩省 辰緯森然

心曰前星 建嗣必豫 畢爲天街 邊氛是懼

三能未齊 論相惟人 營室雖中 土功勿興

五緯珠連 填爲之主 心思先正 五事咸叙

女宮在後 次乎少微 賢賢易色 對越不違

監于建始 爵私外屬 稷象著郵 流星下燭

監于永建 寵任左貂 羣第垂異 適見招搖

母曰蓋高 陟降左右 母曰不顯 景嚮休咎

鏡考已行 應不以文 滿調誣天 匪臣攸聞

長星紀元 德星貢佞 顥穹仁愛 云何弗敬

母汨緯候 謂蓄可移 母泥分壑 謂國無危

朔陳階符 向指圖狀 矧臣疋職 敢忘諷上

欽若曆象 兢兢如堯 臣司占 攷言內朝

漢柱下

萬曆十六年

五母

五

監生程猷名

聖人灋天建官印班

心極之東一星彪列柱下

有史是則是憲在局曰聘

曰蒼以記言仁以掌

方書漢祖肇基丞髦顓俊官師諫爭罔匪正人旦夕

承弼厥辟若昔愆王起居必欽號令必臧實賴左右

之士迪于丕彝秉筆殿楹如戎夫倚相之職曷可不

謹其選維五年命山都侯王恬啓為柱下令所以司

紀載謹言勤也百官表書恬啓為郎中令功臣表兼

述之顏氏以為主書之史考諸傳記法冠曰柱後侍

御史曰柱下尹東都樂何之徒抗議柱下有繩愆格

非之責焉夫衛武之聖史不失書魯莊之闇書而不

灋君德崇贊常必繇之二漢舊章世有注記而孝武
錄于禁中永平纂于宮掖官失其守豈識高皇帝閱
遠之規與敢擬揚雄之作而箴其闕箴曰

巍巍萬乘

天臨淵默

歷之春秋

言法動則

載筆有史

造端帝鴻

我漢初基

山都是庸

表裡交脩

身度聲律

臣節不回

方駕狐佚

媿惡無隱

欽乃迨司

百九十篇

著記昭垂

監于周季

仇忠比佞

時居是職

雖賢罔任

監于嫪秦

翳諫飾非

備厥官

雖六不規

作而不記

匪德

遠其猶

訐謔定命

書而不法 俾後

謹其行 無敢遊盤

剪桐有諷 如棠有課

味誦言 以立為訕

倚几有訓 書楹有銘

毋適宵人 以逸肆情

一思古良史 左誦右頌

云何成憲 碌于中葉

內廷纂錄 自親其文

諸儒雜定 直筆茂聞

君舉必書 繩其祖武

史臣司過 敢告誓御

銘

商王磬銘

樂以玉振之終條理也惟商王受球膺命作樂曰濩九招晨露是脩是歌八音鈞諧神人洽熙垂裕後昆

明德恤祀猗那有頌奏假烝嘗鼓管和平來依磬聲先祖聽之歆馨降嘏微哉淵厚若稽毛傳磬象物成鄭箋述之指為玉磬蓋和聲依永無相奪倫非泗濱石所能致必鎮臬其璞清越其音始克為眾樂之綱紀昔者削磬九成鳴球在上四代樂器拊搏並儼虞夏舊章惟商時憲想夫三臛之寶空同之玉廼磨廼琢從律中度虹氣乎達煥乎崇牙于廟于郊翕純皦繹眡叔之離磬周之笙頌不詐矣穎達書疏兼述商頌且謂磬垂堂下尊而進之與湯盤俱列如典漢有璆磬猶播雅詩茲其銘曰

瑟彼球玉 昇于

正玉之聲 清越以長

思昔鳴球 合奏舜堂

夔拊之 罍舞鳳鵠

矧予湯孫 奉時烝嘗

豈無玉豆 肆享先王

亦有玉罍 清酌是將

奏假維何 荷那一章

曰鼓淵淵 曰管將將

衆音疇依 磬爲之綱

典寶之珍 烈祖所藏

載攻載錯 摩其出而旁

銷鳴應律 崇牙高張

大濩始作 萬舞洋洋

集厥大成 雅韻清揚

聞樂知德 如圭如璋

王假有廟 申錫無疆

禹興九招 貢石徐梁

東生西頌 周典有常

孰若英璞 鍾粹乾剛

神之聽之 自天降康 卷七竝寶 僅見魯邦

紀虞偕賂 器存寶之 惟德其物 專燉有商

制陋漢稍 瑞軼夏考 勒銘于虞 德音孔彰

周瑞節銘

維周王撫萬邦征不庭旁作廷衛治定制禮諭志以

使遣使以節制節以瑞重命令昭德信也蓋稽周官

掌節有職行人攸達歌制惟六金有虎人龍之別竹

有旌符管之異都鄙貨賄曰用曰璽時分殊事用各

有宜惟時邦節琢以夏玉者 王命珍圭示示章

治兵穀圭七寸和聲 爲琬圭琰圭九寸治德

易行用焉典瑞辨

五者謂之瑞節想六并里

其法康成釋經業定

虹氣乎達張彊濡纒肅將明指執而致命哉而展幣

燿威彰信風動雲行文告義征罔敢不率覽主警寶

禮洽皇庫燬哉其守邦國之大寶與內史過曰瑞節

以鎮之秦西乞術曰瑞節以結好聘禮圭纁九寸康

成亦以為瑞節宜在銘典匹休嘉量敢為補亡之辭

曰

於皇時周 王度如玉 宣昭義問 函夏砥屬

節傳四馳 灋式鼎新 俟角俟壘 或竹或金

皇皇者華 有嚴遣使 追琢虹璞 物名曰瑞

守以掌節 達于廣行 王人裁模 典瑞辨名

瑟彼珍圭 鎮安方國 召爾封守 惠爾黶阨

七寸鉏牙 起旅之璋 和聘有圭 穀文孔彰

群辟承德 時聘歲覲 曰琬九寸 要結好命

彼不庭方 慝行未除 判規之琰 廼諭廼誅

咨爾王人 所貫圭言 八旬來宣 主其問

寶不踰把 光泚 以瑞等邦 式禮莫愆

萬曆丁亥年

軼漢虎符 異魚 王玉湯球 參燬前古

侯氏奉壁 蠻方獻琛 令而行 佩我德音

瑞雖有五 王心惟一 欽哉膚使 眡此琢刻

記

漢百官朝會殿記

皇漢稽古建官立三公應台鼎司徒為丞相之任贊
元穆緯位冠列辟中興二葉憲度鴻明號登永平越
十五載更作司徒府于開陽門內光觀壯麗萬國具
瞻迪惟詢謀僉同虞書垂訓謀及卿士禹範陳濶時
有大政政有大疑必集群臣議之咨一相決之迺於

司徒府建朝會之殿以繹師言審國是煥辱一代闕
規也棟宇修廣史策無述獨於周禮注漢官儀律曆
百官志注概見顛末庸識其事以裨史闕太微中居
列宿環拱聖王正表著之位辨庶陛之等瀆率天也
君姬制禮天子三朝燕朝列路寢之庭太僕掌之治
朝居路門之外宰夫司士職之惟時外朝既內為重
雉門外者小司寇以詢萬民三公州長暨群吏叙進
皋門內者朝士掌建其灋孤卿大夫暨眾庶咸列蓋
建朝于外則尊卑之分肅然于朝則上下一青紫
公聽竝觀訂謨定命之地其可忽諸漢監

萬曆丁亥年

王海卷二百四

五九

三百二十四

秦轍達聰番明高皇

長樂相國建議實治

權輿或大議殿中或會議

朝堂百僚之法有蕭

曹魏邠之謀謨公卿以下朝會坐載於成紀建始元

年之注坐而論道流風猶存丞相府有四門隨時聽

事坐未央廷中單二拜謁體貌匪不嚴也然問望之

討策則遣中朝持單于之語則視中朝具復廟之文

則詔中朝臣議王嘉之事則下將軍中朝者丞相曰

下為外朝顧不與焉官府體分與周異矣黃霸問郡

國計吏舉孝悌為一軍先上殿說者謂丞相所坐外

朝之略而大詳東都重熙印憲周典德陽朝群臣

象魏旌舊章上儀祿容焜燿千古睠詹公府輪奐未

崇經之營之適新廣殿彤庭殖殖左城右平王侯更

衣于殿之西位宁森嚴規撫璉敞堯衢室舜總章何

呂侈茲國有大議車駕親幸其殿則應劭之書可證

百官會府公殿下則蔡邕之言可稽續志追紀熹平

四禩臣光臣晃傳奏曆元乙卯詔書會司徒府議邕

集所載在三月九日其位校尉東面侍中郎將大夫

千石六百石南面議郎博士北面戶曹令史西面中

坐讀詔臣邕前坐侍中西以公卿與光晃同難朝

章邦典賁然明著想下位百辟在庭周爰咨

高曆一亥年

二五六一三四

監生張鳳翔

諏知略輻湊帝暉下

決衡石公論者蔡詳

疑匪徒會同有繹而已故韓

對峙棖題羣飛人不

以為華鈴鼓不設扉闥洞闥人不以為簡鳴玉俄冕

翼翼翔翔吏治否臧民生休戚天聰四闕無隱不敷

受計則計吏數百人拜于庭中舉謠言則掾屬令史

會于殿上崇輔弼臣尊國體意深遠哉若廼論於白

虎朝於雲臺見於宣明問於崇德隆寬盡下史不絕

書兼聽廣謀莫若斯殿康成釋禮兼述漢禮於朝士

曰今司徒府有天子以下大會殿亦古外朝於槁人

曰百官朝會殿天子與丞相舊決大事是外朝之存

者劉昭謂于寶之說殆未深攷小宗伯肆儀為位康

成謂若今肄司徒府又非止為大會設矣蔡邕紬書

東觀立朝會志未就詳莫得聞竊嘗考之周中朝聽

治漢前殿也周內朝圖嘉事漢宣室也東都前殿為

路寢嘉德為燕息見于張衡之賦而景乘傳云公卿

會議常上殿訪邊事若袁安班勇皆於朝堂上書會

議又有召百官議朝堂詔百官大會朝堂亦外朝遺

意通典曰周有四朝而言三朝者詢事非常朝也是

殿其詢事之朝歟禮記曰外事者

必因朝其位君南面
夫北面士東面漢制

萬曆丁亥年

卷二百四

十一

四百九字

蓋倣此云謹記

唐七學記

有唐觀人文化天下高祖太宗戡兵耆武尊右儒術
綴禮正樂憲度著明庠聲序音錙訇金石稽古建學
厥制維六元宗續緒復增其一課試有灋訓迪有師
德執兼該總于胄監譽髦斯士雲合霧集豐規茂矩
冠冕百主宜被厥文具詳登載謹參合百官選舉志
儒學傳序六典會要而記其畧夫教亦多術矣開數
路而翕受皇極之化也萃群材而樂育菁莪之仁也
帝治時邕成均肇建右虞卷光庠分上下夏氏設教

序列東西左右郊宮商學殊制作人造士匪一而足
蒼姬之盛教典充備國學合子弟太學食老更四郊
有庠門闈有學或讀邦灋或習書數達材成德道化
渾融祭義攸述爲學有四保傳所紀爲學有五學記
之注曰內設師保外有序序六學之制於茲可考治
古逾遠彝憲無傳漢立三雍晉興兩學元嘉四學之
初天監五館之開名存實亡駁辱亡議惟唐文治炳
蔚上軌成周鉏類夷荒鴻業而定生負之置肇于武
德元年五月周孔之祠建
年六月恢儒學數
遺後聖爰暨正觀駿
幸國庠延籲儒彥肄

業之舍廣爲千二百

生益爲三千二百六

十員施于六葉增開學館

爲七若三品以上子

孫國子學教之五品以上子孫太學教之曰廣文以領國子生之業進士者實維天寶九載七月乙亥之制曰四門以授七品之子及庶人之俊異者實維元魏太和二十年之制律學昉于晉梁復于正觀六年之二月又復于龍朔二年之五月越明年以隸詳刑而律令格式灋例於是習焉書學昉于晉隋復于正觀二年之十二月又復于龍朔二年之五月越明年以隸蘭臺而石經說文字林於是習焉算學沿隋之

舊置于正觀二年復于顯慶元年越三年九月廢之以隸太史及龍朔二年復之以隸秘書而九章五曹綴術緝古之屬於是習焉訓導之職有祭酒司業博士助教直講孫其業也舉選之科有秀才明經俊士進士明灋明字明筭與其能也業成則丞莅試不率則簿舉法嚴其訓也國子有五經博士廣文有知進士助教重其選也助教或十年始遷博士或十九年不易顯其任也生徒之數國子二百人太學五百人四門千三百人書筭及筭十人元和三年申命更定西京自八十至

自十人至二人而國

子學有大成上元二

一十人開元二十年復

省其半若舍莫齒由月之儀

於國子學又平末先

後之序也想夫紆袂鼓笥來游來歌鴻生石師論難

衍衍投紱懷璽濡化染學元武飛騎垂衿講習新羅

百濟挾策吟誦豐芭燕翼之澤棧樸追琢之章政媿

俗醇作周匹休猗興懿哉鋪觀唐史立學闡教蓋非

一端左省弘文武德之制東宮崇文正觀之規竝置

生員是為二館秘書小學以誨皇族內文學館以訓

官掖崇元有學以習老莊郡縣諸生差列二等若崇

化厲賢之原則自七學始以至龍朔改司成館垂拱

更成均監司成宣業官名婁易茲不備載按鄭虔傳

廣文寓治國子館李庾西都賦曰左立太學前列廣

文選舉志止言六學何蕃傳亦云六館意者二學合

為一與韓愈上表有七館之稱併書以識舊典謹記

贊

寶元紫微閣御篆贊

天隲下民闡我宋離明之運三聖傳序文治彬蔚睿

暮宸藻光摩壁奎越我仁宗皇帝重暉襲明日燭月

霽稽經典學苞舉說詞惠字入神出入與詹玉

堂爰暨祕閣昔在淳紅管躬灑飛白霞舒鴻

嘉清丁巳年

翥昭揭霄漢矧時右

八言常揚高崔振纓接

鳥儲清聯遂宜闡宏規寶

元律中夷貝口躔庚

成渙發宸指鳩工建閣翬飛鳥革穹麗豐璉凌轆石

渠天祿翔鸞棲鳳右廼御帝鴻之墨海揆漢宮之寶

附冠名紫微載篆戶冊金壺霏泚鑪錘造化如商盤

周鼎之識如羲畫禹銘之文非煙祥風緣飾萬象丹

青綸紉益煥其章開元集賢之題莫能窺帝書萬分

一臣竊惟仁皇多能天縱邇英延義左右圖籍羣玉

藥珠優繇篇翰景祐律準之字皇祐明堂之顏八體

六書神暮心造韜軼頡籀前無千古斯閣之扁文化

恢焉儒術崇焉彼漢篆未央晉書太極奚異螢燿之

擬龍燭與於萬斯年極天比峻環宮列宿是衛是翼

宜敷厲而顯詩之為無窮觀臣埃臯書命衣被昭回

之光擗手祇贊贊曰

乾緯宣精 紫微環極 維聖時憲 設官分職

開元名省 延籲鴻生 秉筆贊命 神化丹青

濬喆維宋 渭興文治 星旅奎鉤 麗離明賁

常揚接武 鵠于鵠池 參盤襲典 潤色綸絲

允文仁皇 積思考圃 詭聖藻 萬歲成觀

旃夏穆清 瑤管 物成飾 吉雲祥風

律準之畫

明堂

龍獻執

有赫奇篆

睠言西掖

英彥所躋

閎鼎新

上海凌煙

錯寶之跗

元氣初穆

鈿錄小

糠批籀邈

金字特書

玉題揭名

雲漢昭回

粲為列星

翠綏鳴佩

於焉游息

仰睇慶霄

斧藻失色

若宓戲畫

原于綠圖

若神禹碑

刻于螺書

蚪騫鳳逸

超絕哇逕

八瀆森嚴

心正筆正

淳化飛白

木天玉堂

維帝之書

祖武重光

祚符聖製

翔鸞鏤石

維帝之書

文典時式

毫端膚寸

雨露羣生

訓暮渾噩

虞周比崇

追琢其章

辭尚體要

如篆之古

摛華演誥

鸞刀刻銘

寶奎題顏

邇英分錫

迎陽縱觀

天球閔臧

鏐繩鈿軸

頰陋唐宗

平雲芒玉

倬彼魯宇

虹采屬天

詩呂颺之

何千萬年

周七律贊

周七律贊

律者音之本也。河圖授羲，粵有律濼，含少比竹，昭華

刻瑄，立均出度，成於十二。黃虞迭造，聲數靡易，律之

有七，其周之盛，寧武王燮，伐過駿，有聲於鑠，王師致

天之屈，惟十有三年，戔墜，百八旅天駟，日比析木

辰集斗柄，星次須女，位三所合而用之

絲張及房其宿七引

揆七同數合聲

播之音律二月癸亥畢陳

引之上宮于以之野

布戎呂黃鍾之下宮太簇下宮巨布令無射上宮以

布憲曰羽曰厲曰宣曰羸簫勺陰陽正變成備翕純

皦繹神人治熙勝殷遏劉無競維烈律之時用大矣

哉司樂典同宗寥亡詔景王二十三年問伶州鳩意

謂五聲及宮祉之變州鳩鋪敝數度外傳載之鏗訇

渾錙如聞象武宿夜之奏隋志明舜樂之七始柱預

釋左氏之七音琴為七弦則淮南之注律為八十四

則服虔之說戊午至甲子七日則孔穎達之疏楚語

七事樂纂七聲或云七宗或為七調七均咸自州鳩

啓之稽諸六弦律可知敵大師執律爰聽軍聲武王

兵書昭著丕式史遷謂推春至冬柳宗元謂大武律

變漢加應鍾唐終南呂至有除黃鍾而首林鍾者音

官失傳久矣周玉律有八江左世祿之茲律不呂器

傳而武之七德寓焉庸墨筆操牘而作贊曰

龍畫肇分律繇數起鳳鳴既聽聲以月紀

於皇時周燹伐茂商廣文之聲我武維揚

印詹北維頰索周壘山天龜畏軒辰馬

維鶉及駟躔次至子會朝清明

位協于五

列揆

目然

寫之玉律

大師載獻

下上其宮

夷則

厲以黃鍾

大簇無射

布宣憲令

昭德柔民

徂維求定

陰陽遞代

宮為之綱

既備乃奏

錚錚將將

矢于牧野

莫不震疊

振旅羸肉

愷歌鏜鞳

爰命司馬

執呂獻功

功成作樂

龠鳴肅雝

琴增七弦

頌美七德

興文偃武

簫勺羣慝

往著再始

復綴六成

窮本知變

樂行倫清

七衡之響

紀于舍少

侯今之制

威聲焯燿

七始之詠

颺于箛磬

侯今之制

德音孔昭

宿夜失傳

象武孰志

均調猶存

正五變二

一氣二體

八風九歌

終始相成

天地同龠

聲與政通

茲律維則

播以雅詩

時萬時億

頌

至道朝元殿冊皇太子頌

天以宋克堪用德迪從子保萬億年永孚休太宗皇

帝廣聲揚烈燕及皇天幼海五潢發祥流慶壽街辨

犢虎闔齒冑金聲玉裕敷聞在下帝惟有道之長必

蚤定豫建輦我邦丕丕基至之元仲秋壬辰誕布

明制肇闔承華丁酉其禮儀申敕有司曰上

嗣主鬯古有冊命百

極臨軒則漢唐之典

在備物盛容揚于六廷不天

懿鑠也咨沙心奏其

儀朕將御路朝行之繇是頌家儒官稽經綴禮范金

為寶厥方二寸龜紐朱綬鏤璿為冊厥簡六十錯以

龍螭展詩應律厥名正安奏以二曲疇咨太史歷吉

季秋供張宿陳容衛盼飾黃麾設仗鸞車充庭葆佾

旅階鐘石在虞萬官千品駢壁交舄中嚴外備禮牟

元會銅扉洞啓玉契載盼皇太子冠遠游服朱明端

士正人前導後翼丁卯之旦皇帝被袞龍下彫輦御

于朝元殿天華奕霽日宣重光聖言溫純參盤襲誥

紫微令讀之左庶子受之穆穆儲儀丕承顯命上公

羣辟蹈舞稱賀遂展慶于清宮目銀榜之題耳樞山

之音煥虜重離之光麗焉赫虜游震之響發焉越三

日庚午金路羽衛抵見世室班輪回軫都人具瞻睂

厖齒鯢未覲鉅燄湛恩作解雷動四域光溢雲漢榮

鏡宇宙猗與休哉是殿為周外朝唐含元實朝會冊

拜之地雍熙元年七月壬子改乾元為今名天禧行

于天安乾道藏于大慶衣言純武永作彝憲洋洋帝

者之上儀宣政紫宮之禮也

初詩繼樂府四章之

薄爾賜言曰

監生李愈芳刊

古帝命宋

靈承

萬年億

重規疊

皇矣太宗

盛德淵溥

武

四力無侮

永錫祚嗣

椒實靈羽

鵠吉貳觴

有秩斯祐

於昭元良

賢能繼禹

朝夕寢門

春冬胄序

溫文恭敬

川原印浦

若昔令猷

入監出撫

離照相續

電鬯是主

萬國以正

建立必豫

適駿有聲

知子惟父

渙其大號

命爾儲副

判經摠頌

自我作古

司空讀冊

漢有憲度

暨唐太極

肇新儀注

予其時式

徽典備舉

范金琢璠

龜紐朱組

縑龍繪螭

騫其欲翥

昭時令日

禮展樂具

巍巍朝元

聖皇當宇

天臨日燭

龍卷繡黼

臚人虎士

擯相何扈

麾仗上黃

星隰雲布

中車展軫

彪列鹵簿

四垂高張

鱗篋毛虞

正安入奏

銷鳴律呂

翼翼皇儲

夙駕金輅

遠游朱明

命服有楚

鷄戟鸞旌

從日師傅

延登受冊

陟降拜俯

是承是將

惟左中護

尉臣奏賀

萬官拊舞

扶光若英

重耀霄宇

碧鏤啓扉

肅肅鷓鷯

移班展慶

聳觀王浴

鞞班輪

氏允烈祖

乾闥坤憚

神人

丁時公卿

于時臣庶

萬曆丁亥年

三

監生

吳天九刊

于時夷貉 交相

儀鴻明 曠古一思

滌瑕肆毒 異風解雨

海之波 流澤壑土

唯聖立聖 頌聲載路

長治久安 冠軼三五

燕詒世哲 蹈則繩武

天安大慶 侵容重覩

神孫承承 旗翼丕緒

暉潤作歌 贊述有賦

允鑠聖代 禮崇媿鉅

下臣獻頌 式綴樂府

唐觀德殿飲至頌

唐太宗文皇帝天錫勇智開闢乾坤丕降霖雨剗荼
滌蕪義實適昭遠揚羽族卉儀面內稟朔凌煙
置酒頡利就羈未央高會智戴入侍元武燕饗酋長

畢彙豐貂文駟旅于象胥榛履熊冠圖于王會際天

接地武彘旁魄逃彼麴氏長雄高昌文泰猖狂怛威

赧德狐裘納摯扶伏入朝鼠匿雉犇不式王命稱兵

焉耆西域遂梗粵十三載季冬壬申爰命驍將濯征

交河駟騎龍旂踰沙軼幕虜渠怖駭日照雪消臨衝

閑閑應鼓如截明年八月癸酉克之智盛請降矜甲

鼓下青海如鏡櫂槍不芒遂碎輶輻藉旣脫灰罽帳

雲徹席卷披置郡邑光峻之植植于葱嶺鐫功紀伐

卷旆而還左律右鼓軍容振旅愷入京師十二

月丁酉龍駕帝服御從燎晰晰羽衛歲蕤鴻

萬曆丁亥年監生吳天札刊

臚舌人虎賁爪士九

以造在庭諸將戎服

振奉俘馘以獻天子臨軒

廼舍爵飲至以數軍

實禮也於是宗伯奏儀司馬辨位旌棧林植供張星
敷金介緹衣髻髦戴鶡萬旅鳧藻踊躍就列鼎胾俎
載百籩千品壘罍交錯犧象靜嘉房敝體節之羞醜
清鄭白之勺橐飶于頰行七德九功之舞羽葆橫吹
之音燁煜于觀聽既醉之歡洽偃伯之頌興執訊連
連解辯右衽單于日逐圜眎瞻臬金幣軫積圭組纘
紛班勞策勲周市宏溥禮成畢賀于廟薦功皇澤賜
酺雲油雨露前而順天之獻捷後而紫微之受俘稱

伐計功莫此爲盛拓地萬里威震八荒隨流而攘邠
風馳義芳蘭張飲天成浮酒上儀偉觀史不絕書施
于開元契丹授首爰即酺宴復行是禮宸章賦詠不
顯祖烈於戲盛哉殿在元武門因射立名正觀永徽
咸以上巳賜羣臣射總章之元遼東底平即是宴百
官然武功文容二媿兼備未有斯舉若者是役也有
臣行本刊頌柳谷布昭威靈維茲茂典鋪張猶缺昔
飲御諸友小雅歌之飲至大賞春秋紀之是用作詩
以鴻厥慶頌曰

燁燁太宗 陟禹

八戈遞討 函夏清謐

翻陰披霧 燿以 小謨指授 將猛四七

纓厥縹緗 神扶電擊 海越障 蚩凶誅郟

聲暨德綏 條支祝栗 蕭勺監頑 正心翊翊

狡焉翹戎 狼性隼質 雍闕琛賚 不庭不率

皇赫斯怒 剪此朝夕 命率交河 成師而出

旦秣我馬 夕臨其國 長轂雷輜 機賊逢軼

酋渠灰釘 餘種水釋 鏤體卉衣 係頸銜壁

州三縣五 如入吾室 坦步葱雪 疆宇載闢

葉護齒寒 不戰自屈 抗稜荒裔 銘功樂石

振旅于京 秉鉞執律 愷歌示喜 鼓吹轟激

執訊連連 象胥案譯 六師大獻 天容愉悌

序情閔勞 匪收匪棘 展儀廣殿 時維觀德

校隊案部 羽林壘壁 削衽改襟 星共陞戟

來龍臨幄 綵仗旂飾 纍纍其俘 厥角丹城

百蠻破膽 墮玉失鳥 逆予有誅 視彼攸馘

飲至大饗 乃數軍實 予不折寸 鏃不遺一

悠悠旆旌 萬旅如植 矯矯虎臣 韎韐有奭

班馬無聲 顏行山則 干羽陳階 金匏在席

鞞鞬效技 儻然俱集 增十部 於采葆佾

蕭筵紛純 黼帷 豆瀛尊 左右有秋

萬曆十六年 益主 羅雁心是

河車騰酌 鏐盎 人蒸房俎 羞魚燔炙

一朝饗之 在陋中吉 露晞陽 帝碑咫尺

舌人體委 惠浹夷貊 式燕以衍 率禮無失

都護奉觴 臚湊羣辟 舍爵策勲 皇有蕃錫

扶圭綴組 湛恩沕滴 熊羆鳧藻 賈勇奮力

肇開西昌 膺貢受籍 帝惟不矜 常武無逸

紫微獻捷 涇陽鳴犄 稜容婁書 鴻烈赫奕

開元繼伐 耆定猥狄 行於醑宴 播味宸筆

乃武乃文 丕昭帝式 宵雅歌周 勞率暨役

歸鎬飲御 吉甫紀績 於鑠唐兵 爰轉四極

鏡曲未奏 崖頌靡述 維以頌歌 震于殊域
序

漢保傅傳序

保傅傳者漢梁大傳誼所作也漢朝之儒惟賈生粹
學淵識通達治體謂元良天下之本本正而天下定
若昔大猷保身傳德罔匪正人涵養薰陶相觀而善
用身遺後人休廼此往證今參經訂史總朕論以詔
萬世孝昭嗣服鄉學崇儒是傳與孝經論語尚書迭
敷旃夏大義之通元于始
一年六月之詔
聖寧休
茲毓德之淵原典學
也庸鋪繹要指而為序

曰聖人觀洊雷之象

亦謀燕翼子蓋取諸震

觀山下出泉之象是以選

武諭教蓋取諸蒙相

古先民丕若歷年罔不在初自貽哲命禹戒湯訓文
謨武謀啓迪後昆茲率厥典立之師保謹輔道也教
之禮樂頤德性也抗灋以聳其善齒胄以孫其志數
學之制文王世子備矣是傳尤正於始而謹於微八
歲入虎闈束髮就太學不待成人而教也太于始生
舉必以禮太師吹銅正聲太宰持升正味不待就傳
而教也胎教之道書玉版藏金鑕不待初生而教也
有道有充有弼有承史司過工誦諫中車有教膳宰

有規不惟三公三少孝仁禮義之道習也始敝周秦
之隆替終論賢佐之得失復以詩禮易春秋明謹始
敬終之義曰學禮曰明堂之位曰青史氏之記三代
文獻森然在目如旦佚之立前後望奭之翼左右其
末章曰鏡所以察形古所以知今誼之意深矣傳亥
匪人羸轍未遠逸民翼惠亦周克壽孝文初載隆立
元子越六年誼孰數於前曰選端士曰去邪人然智
囊之進刑名之習以規爲填聽之藐藐後九十餘年
昭帝始誦習之業隆于強口心牟于成后誼之書有
功焉迺若大夫進誦

述之帝入五學邕宗元

識之鸞在衡和在赫

疏又稱之勵與王度已

太初篇韓詩內傳

班固傳概而未詳嘉言不

彛千載眇覲愚謂著翼善之記不如監是書而善自
明譏養德之傳不如寶是書而德自進青宮之紀博
矣讀是書知其寡要也槎山之則媿矣讀是書知其
亡實也輔翼之臣有能采而獻之可以衍幼海之潤
增前星之暉萬年惟王永保民蓋自茲始敢著謏聞
於篇端按新書五十八篇是傳分爲傳職保傳容經
胎教四篇文穎謂在禮大戴記今列于第四十八篇
凡二章三千五百五十四字云謹序

唐西南備邊錄序

唐大和四年十月戊申制詔兵部侍郎臣德裕節度
劔南西川維蜀西控戎索南接蠻服昔在中葉武尅
不剛蝨賊內訌蛇豕荐食表撐裏拓猶懼侵軼未陰
綢戶莫急二邊於是先事候情并謀合知料敵執摠
地險討軍實而備邊錄作焉即十三卷之簡見萬里
外之情所以制勝無形銷患未萌也茲不可亡序夫
備敵於一方其策易備敵於多方其謀難朔方既成
薄伐于西文王其勤也廠

八也鍼芒寫氣燈穴

不周扞防不密則墮

虞不生所備而

可懼哉然山川阨塞

圖莫見兵財盈虛非書草

故軍防有疎誤於

大寶九州別錄上於正元禦戎新錄奏於元和元振
述安邊之策敬輿條備邊之失前英後傑帷籌幄畫
詳已然之變忽未動之憂寢薪為安折柳為固猷之
不遠寇將生心德裕身佩西垂之任得不為南鄙慮
乎方唐盛際德威溥暢北靡突厥東憺遼海窮髮反
景悉主悉臣文恬武嬉喪羊于易吐蕃間釁河隴失
險締從南詔協以謀我岷江飲馬倚為先鋒井絡坤
垠我圍孔棘有守曰臯鑿青谿道要結蠻好摘鹿效

順篡集事狀為卷十七質幣結轍闔戶誨盜戎膽

驚蠻既始牙架入成都如升虛邑唐之君臣且盱食

矣疇咨良翰橋失刷耻爰命德裕抗旌秉鉞首殘奮

怯改紀其政乃建籌邊之樓凡險要與蠻相入者圖

之左與戎密邇者圖之右而部落饋餽靡不察乃立

雄邊之軍其精兵曰南燕及連弩騎士曰飛星及突

騎而饗戰器械靡不飭大度孰制城以杖義榮經孰

控城以禦任山孰阨城以柔遠復馬岷關徙越

台而蠻之志歸壁而戎之札奪猶

之數滅漢

經用之目講求

音諸郡固守 外夷恃

狀昉分縷析粲如指掌其一開壘咸以朱書日總命小
圖標之首卷而第四卷叙維州本末尤悉書成于大
和六禩迨會昌中秉國之均始奏上之觀諸文集猶
有可攷二邊方騷而金湯之二虜孔熾而雷霆之匪
石畫沈幾曷克轉茲藏之禁嚴副在邊瑣日戒夕惕
庶克有定大中而後愔憂好暇懷燕安之毒玩鷺擊
之形河湟歸疆西顧無騎塹矣厲階之梗惟蠻爲其
牯獯及米綵劔而嶺乾符之季有臣雲虔自邕管涉
川陸四十七程至善闡以南詔錄三卷獻于朝吁德

裕之錄以蜀備蠻藩離之寇也雲虔之錄以邕備
則闖然入戶庭矣憂先於事事至而憂奚翅銖石
差與據舊鑿新不可不愔患于微眇也易之蹇曰利
西南必有六二匪躬之臣而後能濟蹇難德裕以之
按唐藝文志是錄列在兵書今館閣書目存者一卷
餘軼不傳我思古人愛莫起之撫陳編而三歎謹序

玉海二百四卷下終

--	--

